

Во СРЕДА 7-й СЕДМИЦЫ ПО ПАСХЕ **Во ВТОРНИК ВЕЧЕРА**

На Господи воззвах: стихиры подобны праздника, 3: и минеи 3.

Стихиры праздника, глас 4-й:

Подобен: Яко добля:

Зрящим божественным Твоим учеником, вознесся еси к небесным, и сел еси одесную Родителя, Того неразлученный Пресущественный Сыне: и якоже рекл еси, послал еси Утешителя, небесныя земныя сотворяюща, мудрыя и богоглаголивыя, и священныя апостолы Твоя.

Воплотился еси за неизреченную Иисусе благодать, и крест и смерть Безсмертне волею претерпел еси, и паки тридневен воскрес из мертвых, по днех четырехдесятих вознесся еси, отонудуже перее сошел еси, умирив земная, и всех привел Родителю.

На облацех яко видеша Тя взимаема Господи, мудрии апостоли, рыдающе и сетования исполнени, вопияху со слезами: не остави сирых, ихже за милосердие возлюбил еси, но послал на ны, якоже обещал еси Всецдре, Пресвятаго Твоего Духа, просвещающаго души наша.

Слава, и ныне: глас 5-й:

Приидите верных собрание, уму тайно научившеся учеников Христовых, непрестанную песнь рцем, и яко апостоли, на Елеонской горе с Давидом возопиим: взыде Бог в воскликновении, Господь во гласе трубне, да избавит колена человеческая от соблазн гордаго, и просветит души наша.

На стиховне стихиры, глас 2-й:

Подобен: ДOME Евфрафов:

Чудо новолепное, человеческое бо естество на небеса взыде, соединившееся Слову Богу Вседержителю.

Стих: **Вси** языцы восплеците руками, воскликните Богу гласом радования.

Возсия ясный и всесветлый день, Владыки Божественнаго на небеса Восхождения, просвещающий всяческая.

Стих: **Взыде Бог в воскликновении, Господь во гласе трубне.**

Якоже учеником послал еси с высоты Срасленнаго Твоего Духа, и людем Твоим послал Христе Спасе благодать Твою.

Слава, и ныне: глас 5-й:

Господи, вземлющу ти ся отонудуже не разлучился еси, воинства ангелов и всех безплотных, радостию вопияху горнишым силам: возмите врата князи вашия, и внидет Царь Славы. Престол бо херувимский взят Тя с плотию, Господи слава Тебе.

Ныне отпускаеши: **Трисвятое. По Отче наш.**

Отпустительный тропарь, глас 4-й:

Вознесся еси во славе Христе Боже наш, * радость сотворивый учеником *
обетованием Святаго Духа, * извещенным им бывшим благословением, * яко Ты
еси Сын Божий, Избавитель мира.

[Слава: святаго, аще имать. И ныне: празднику]

И отпуст.

Во СРЕДА 7-Й СЕДМИЦЫ ПО ПАСХЕ

В СРЕДУ НА УТРЕНИ

На Бог Господь: тропарь праздника, глас 4-й:

Вознесся еси во славе Христе Боже наш, * радость сотворивый учеником * обетованием Святаго Духа, * извещенным им бывшим благословением, * яко Ты еси Сын Божий, Избавитель мира. [Дважды.]

[Слава: святаго, аще имать. И ныне: празднику]

По 1-м стихословии, седален, глас 4-й:

Подобен: Явился еси:

Ко Твоему Родителю паки востек Вседетелю, рабов Твоих не остави сирых, ученицы яко видеша Тя вознесшагося, вопияху Человеколюбче.

Слава, и ныне: тойже.

По 2-м стихословии седален, глас 4-й:

Подобен: Явился еси:

Славная удобрения Божественных умов, славы Господа вознесшагося яве с плотию видевшие, врата, вопияху друг другу, возмите.

Слава, и ныне: тойже.

Псалом 50. Канон праздника глас 4-й, со ирмосы на 8: и минеи на 4. Кондак и ексапостиларий праздника.

Песнь 1. глас 4-й:

Ирмос: Отверзу уста моя, * и наполнятся Духа, * и слово отрыгну Царице Матери, * и явлюся, светло торжествуя, * и воспою, радуясь, Тоя чудеса.

Воскресл еси тридневен, по естеству безсмертный, и явился еси единонадесятым, и всем учеником, и востекл еси Христе ко Отцу, облаком носимь всех Творче.

Вопиет явственно поя Давид богодохновенный, взыде Господь к небесным, в воскликновении и трубы шуме, и к началосветному Отцу доспе.

Состаревшийся, Господи, мир многими грехми, обновив страстию Твоею и востанием Твоим, возшел еси носимь облаком к пренебесным: слава славе Твоей.

Богородичен: Владыку родила еси всех, всенепорочная Владычице, страсть вольную приемшаго, и возшедша к Своему Отцу, Егоже не остави, аще и плоть взят.

И минеи на 4.

Katavasia: Спасителю Богу ...,

Песнь 3.

Ирмос: Твоя песнословцы, Богородице, * Живый и Независтный Источниче, * лик себе совокупльшия, духовно утверди, * в Божественней Твоей славе * венцев славы сподоби.

Возмите врата небесная, се прииде Христос Царь твари, в тело оболкся земное, горнейшим глаголаху силам дольнейшья.

Взыскав Христе, прельщеннаго прелестию змиевою Адама, яко в сего оболкийся, возшел еси, и сел еси одесную, яко сопрестолен Отцу, поющим ангелом Тебе.

Земля празднует и ликует, радуется и небо, Вознесением днесь Творца твари, предъявленно соединившаго разстоящяся хотением.

Богородичен: Смерти родивши Разрушителя, Единого безсмертнаго Бога, Дево Мати Всечистая: Того присно умоли, умерщвляющья моя страсти уморити, и спасти мя.

И миней на 4.

Katavasia: Силою Креста Твоего Христе ...,

Кондак святаго миней, и икос, и седален его.

Слава, и ныне: Седален, глас 8-й:

Подобен: Премудрости:

Всед на облаки небесныя, оставив мир сущым на земли, возшел и сел еси одесную Отца, яко Единосущен Сему съй и Духу. Аще бо и во плоти явился еси, но непреложен пребыл еси: темже чаеши совершения конец, судити грядый на землю миру всему. Правосуде Господи, пощади души наша, прегрешений оставление даруя, яко Бог милостив, рабом Твоим.

Песнь 4.

Ирмос: Седяй в Славе * на Престоле Божества * во облаце легце, * прииди Иисус Пребожественный, * Нетленною Дланию * и спасе зовущия: * слава, Христе, силе Твоей.

Иисус Жизнодавец приим, ихже возлюби, на Елеонскую гору восходит, и сих благослови, и облаком носимь Отчая недра доспе, яже никакоже бе оставил.

Мир весь празднует видимый и невидимый: в радости ангели ликуют и человецы, славословяще непрестанно Вознесение, плотию Соединившагося нам благостию.

Разрушивый державу смерти яко безсмертный Господи, безсмертие всем даровал еси Человеколюбче, и Вознеслся еси во славе, зрящим Тя честным учеником Иисусе всесильне.

Богородичен: Блаженно чрево Твое Всенепорочная бысть: чрево бо адово преславно истощившаго, несказанно вместити сподобилася еси: Егоже моли спасти нас поющих Тя.

И миней на 4.

Katavasia: Услышах слух силы Креста ...,

Песнь 5.

Ирмос: Ужасошася всяческая * о Божественной славе Твоей: * Ты бо, Неискусобрачная Дево, * имела еси во утробе над всеми Бога * и родила еси Безлетнаго Сына, * всем воспевающим Тя * мир подавающая.

Умертвив смерть Твоею смертию Господи, взем ихже возлюбил еси, возшел еси на Масличную гору святую, и оттуду востекл еси Христе к Твоему Родителю, облаком носимь.

Странно Твое рождество, странно Твое воскресение, странно и страшно Твое Жизнодавче, еже от горы Божественное Вознесение, еже изобразуя Илия четвероконный восхождаше, воспевая Тя Человеколюбче.

Зрящим апостолом вещаху ангели: мужие галилейстии, что чудитесь Вознесению Жизнодавца Христа: Сей придет паки на землю судити миру всему, яко Судия праведнейший.

Богородичен: Деву сохранив Тя по рождестве нетленну, восходит Христос ко Отцу, Богородительнице, Егоже не остави, аще и плоть прият из Тебе, мысленную же и одушевленную, за милость неизреченную.

И минеи на 4.

Katavasia: Утреннююще вопием Ти ...,

Песнь 6.

Ирмос: Божественное сие и всечестное * совершающе празднество, * Богомудрии, Богоматере, * приидите, руками восплецим, * от Нея рождагося Бога славим.

Да каплют нам свыше облацы веселие вечное, Христос бо, облаком яко херувимы носимый, к Своему Отцу восходит днесь.

Плоти явився подобием, прежде разстоящаяся собрал еси во едино Человеколюбче, и Вознеслся еси Щедре в небесная, зрящим Тя учеником Твоим.

Что червлены ризы плоти соединившагося дебелству? Святии ангели Христа зряще вещаху, страсти честныя Божественныя носяща образы.

Богородичен: Поем Отроковице зачатие, поем Твое неизреченное рождество, имже избавихомся Чистая тли и озлобления, и мрачнаго адова затворения.

И минеи на 4.

Katavasia: Обыде мя бездна ...,

Кондак самогласен, глас 6-й:

Еже о нас исполнив смотрение, и яже на земли соединив Небесным, Вознеслся еси во славе Христе Боже наш, никакоже отлучаяся, но пребывая неотступный, и вопия любящим Тя: Аз есмь с вами, и никтоже на вы.

Икос: Яже земли на земли оставившии, яже пепельная персти уступающии, приидите воспрянем, и на высоту возведем очи и мысли, вперим виды, вкупе чувства, на небесная врата смертнии, неощущим быти в Масличной горе, и взирати на Избавляющаго на облацех носима. Отонуду бо Господь на небеса востече, и тамо даролюбезны дары раздая апостолом Своим, утешив я яко Отец, и утвердив я, наставив яко сынов, и рече к ним: не разлучаюся вас, Аз есмь с вами, и никтоже на вы.

Песнь 7.

Ирмос: Не послужиша твари Богомудрии * паче Создавшаго, * но, огненное прещение мужески поправше, * радовахуся, поюще: * препетый отцев Господь и Бог, благословен еси.

Светлый Тя Свет суца, подъят облак Господи, от земли паче ума восприемлема и небеснии собори восхвалиша со апостолы, глаголюще: Боже благословен еси.

Рукама вси радующеся восплецим, Вознесением Христовым, и воскликнем: възде Бог во глазе трубне, и седе одесную, яко сопрестолен Отцу во веки.

Поя древле Моисей великий, зываше: да поклонятся восходящу Христу небеснии ангели, яко всех Царю, Емуже зовем: отцев Господи и Боже благословен еси.

Богородичен: О чудес преславных! Како вместила еси Бога невместимаго богорадованная, плотию обнищавшаго, со славою мновою в небесная Вознесшагося днесь, и оживившаго человеки?

И минеи на 4.

Katavasia: В пещи огненной ...,

Песнь 8.

Ирмос: Отроки благочестивыя в пещи * Рождество Богородичо спасло есть; * тогда убо образуемое, * ныне же действующее, * вселенную всю воздвизает пети Тебе: * Господа пойте, дела, * и превозносите Его во вся веки.

Явишася умове апостолом в Вознесении, и вещаху: что взирающе стоите дивящася? Сей восходяй в небесная, приидет и паки судити иже на земли человеком, Судия сый Един.

Дадим Богу величие, хвалы согласие воскликнем, воспоем, ликуим, руками же восплецим: възде Бог наш на небеса от земли, ангелом, архангелом поющим Сего, яко Владыку и Творца всех.

Взятся превыше ангел естество наше, древле отпадшее, и на престоле посаждено бысть Божественне, паче смысла: приидите торжествуим и воззовем: Господа пойте дела, и превозносите во вся веки.

Богородичен: Се Сын Твой Богородице, пленив Крестом Своим смерть, воскрес тридневен, и учеником Своим явлься, востече к небесным: с нимиже Тебе поклоняющесе поем и славословим во вся веки.

И минеи на 4.

Katavasia: Из Отца прежде век ...,

Песнь 9.

Ирмос: Всяк земнородный * да възграется, Духом просвещаемь, * да торжествует же Безплотных умов естество, * почитающее священное торжество Богоматере, * и да вопиет: * радуйся, Всеблаженная, * Богородице, Чистая Приснодево

О даров паче постижения! О таинства страшнаго! Всеми бо владычествуяй, от земли отходя к небесным, учеником посла Духа Святаго, просветившаго сих смысл, и огненны сотворившаго благодатию.

Полцы ученичестии, Господь рече, вы седите во Иерусалиме: и аз низпослю вам Утешителя другаго, Отцу сопрестольна и Мне равночестна, Егоже видите взимаема, и облаком светлым носима.

Взятся яве великолепие выше небес, плотию обнищавшаго, и соседением Отца почтесе естество наше отпадшее: торжествуим, и согласно вси воскликнем, восплещим руками радующесея.

Богородичен: Свет от Света возсиявый Всенепорочная, из Тебе возсия, и черноту безбожия всю разруши, и в ноци спящих просвети. Сего ради вси по долгу Тя во веки присно ублажаем.

И минеи на 4.

Katavasia: Тя паче ума ...,

Ексапостиларий самогласен:

Учеником зрящим Тя, вознеслся еси Христе ко Отцу соседя, ангели предтекуще зовяху: возмите врата, возмите, Царь бо възде к начальному Свету славы.

Слава: святаго, аще есть: аще ли ни,

Слава, и ныне: праздника

На хвалитех поставим стихи минеи, аще есть:

Таже: Слава Тебе показавшему нам свет:

И ектения: Исполним утреннюю молитву нашу:

На стиховне стихиры, глас 6-й:

Подобен: Тридневен воскресл еси:

За крайнее благоутробие Христе, родился еси из Девы плотию, волею же претерпевый Крест, тридневен воскресл еси из гроба Всещедре, совоскресивый и ожививый нас.

Стих: **Вси** языцы **восплещите** руками, **воскликните** Богу **гласом** радования.

Зрящим Тя Христе Боже, божественным учеником, яже вознеслся еси от земли на небо, и сим обещал еси послати Жизньодавче от Отца Духа Святаго.

Стих: **Взыде** Бог в **воскликновении**, **Господь** во **гласе** трубне.

Дивится ангел множество, странному восхождению Твоему, и страшному Иисусе Всецарю, и врата небесная взяти, вопияху горншым ныне силам.

Слава, и ныне, глас 6-й:

Недр Отеческих не разлучся, Сладчайший Иисусе, и с земными яко Человек пожив, днесь от горы Елеонския вознеслся еси во славе, и падшее естество наше милостивно вознес, Отцу спосади еси. Темже небеснии безплотных чинове, чудеси удивляющесе, ужасахуся ужасом, и трепетом содержими, Твое человеколюбие величаху. С нимиже и мы земнии, еже к нам Твое снисхождение, и еже от нас вознесение славословяще, молимся глаголюще: ученики, и Рождшую Тя Богородицу, радости безчисленные Исполнивый во Твое Вознесение, и нас сподоби избранных Твоих радости молитвами их, великия ради Твоя милости.

Таже, Благо есть исповедатися **Господеви**

Трисвятое. И по Отче наш:

Тропарь праздника, глас 4-й:

Вознеслся еси во славе Христе Боже наш, * радость сотворивый учеником * обетованием Святаго Духа, * извещенным им бывшым благословением, * яко Ты еси Сын Божий, Избавитель мира.

Таже ектения: **Помилуй** нас **Боже:** **Час 1. И отпуст.**

НА ЛИТУРГИИ

Блаженна от канона песнь 7-я, со ирмосом на 6.

В печи огненной песнословцы спасый отроки, благословен Бог отец наших.

На облацех света Вознесыйся, и спасый мир, благословен Бог отец наших.

На раму Спасе, заблуждашее взял естество, вознесся, Богу и Отцу привел еси.

Возшедый во плоти к безплотному Отцу, благословен Бог отец наших.

Слава: Поя древле Моисей великий, взываше: да поклонятся восходящу Христу небеснии ангели, яко всех Царю, Емуже зовем: отцев Господи и Боже благословен еси.

И ныне: Богородичен: О чудес преславных! Какое вместила еси Бога невместимаго богорадованная, плотию обнищавшаго, со славою многою в небесная Вознесшаго днесь, и оживившаго человеки?

По входе тропарь праздника, глас 4-й:

Вознесся еси во славе Христе Боже наш, * радость сотворивый учеником * обетованием Святаго Духа, * извещенным им бывшим благословением, * яко Ты еси Сын Божий, Избавитель мира.

И храма святого: И тропарь святого, аще есть, таже кондак храма. Слава: кондак святого.

И ныне: кондак праздника, глас 6-й:

Еже о нас исполнив смотрение, * и яже на земли соединив Небесным, * Вознесся еси во славе Христе Боже наш, * никакоже отлучаяся, но пребывая неотступный, * и вопия любящим Тя: * Аз есмь с вами, и никтоже на вы.

Прокимен, глас 7: Вознесися на небеса Боже, и по всей земли слава Твоя.

Стих: Готово сердце мое Боже, готово сердце мое: воспою и пою во славе моей.

Апостол в деяниях, зачало 47: (Деян. 23:1-11)

Во дни оны, возрев Павел на сонм, рече: мужие братие, аз всею совестию благою жительствовах пред Богом даже до сего дне. Архиерей же Анания повеле предстоящим ему бити его уста. Тогда Павел рече к нему: бити тя имать Бог, стено поваплена, и ты седиши судя ми по закону, преступая же закон велиши, да биют мя. Предстоящие же реща: архиерею ли Божию досаждаеши? Рече же Павел: не ведах, братие, яко архиерей есть. Писано бо есть: князю людей твоих да не речеши зла. Разумев же Павел, яко едина часть есть саддукей,

другая же фарисей, возва в сонмищи: мужие братие, аз фарисей есмь, сын фарисеов, о уповании и о воскресении мертвых аз суд приемлю. Се же ему рекшу, бысть распря между саддукеи и фарисеи, и разделися народ. Саддукее бо глаголют не быти воскресения, ни Ангела, ни духа, фарисее же исповедуют обоя. Бысть же кличъ велик, и воставше книжницы части фарисейския пряхуся между собою, глаголюще: ни едино зло обретаем в человеце сем, аще же дух глагола ему или Ангел, не противимся Богу. Мнозе же бывшей распри, бояся тысящник, да не растерзан будет Павел от них, повеле воином снити и восхитити его от среды их и вести его в полк. В наставшую же нощь представ ему Господь, рече: дерзай, Павле, якоже бо свидетельствовал еси яже о Мне во Иерусалиме, сице ти подобает и в Риме свидетельствовати.

Аллилуиа, глас 2-й: Взыде Бог в воскликновении, Господь во гласе трубне.

Стих: Все языцы восплещите руками, воскликните Богу гласом радования.

Евангелие Иоана, зачало 54: (Ин. 16:15 - 23)

Рече Господь Своим учеником: вся, елика иматъ Отец, Моя суть, сего ради рех, яко от Моего приимет и возвестит вам. Вмале, и ктому не видите Мене, и паки вмале, и узрите Мя, яко иду ко Отцу. Реша же от ученик Его к себе: что есть сие, еже глаголет нам: вмале, и не видите Мене? И паки вмале, и узрите Мя? И яко Аз иду ко Отцу? Глаголаху убо: что сие есть, еже глаголет, вмале? Не вемы, что глаголет. Разуме же Иисус, яко хотяху Его вопрошати, и рече им: о сем ли стязаетеся между собою, яко рех: вмале, и не видите Мене, и паки вмале, и узрите Мя? Аминь, аминь глаголю вам, яко восплачетесь и возрыдаете вы, а мир возрадуется, вы же печальни будете, но печаль ваша в радость будет. Жена егда раждает, скорбь иматъ, яко прииде год ея, егда же родит отроча, ктому не помнит скорби за радость, яко родися человек в мир. И вы же печаль имате убо ныне, паки же узрю вы, и возрадуется сердце ваше, и радости вашей никтоже возмет от вас, и в той день Мене не воспросите ничесоже. Аминь, аминь глаголю вам, яко елика аще чесо просите от Отца во имя Мое, даст вам.

За Достойно, поем и до отдания ирмос:

Величай душе моя, Вознесагося от земли на небо, Христа Жизнодавца.

Ирмос: Тя паче ума и словесе Матерь Божию, в лето Безлетнаго неизреченно рождшую вернии единомудренно величаем.

Причастный: Везде Бог в восклицании, Господь во гласе трубе.
Аллилуиа [трижды]